

Interes grandi demostra na IPA su charla comunitario tocante e publicacion “Onderhorigheid en afsheiding” di e historiado Dr. Luc Alofs



ORANJESTAD - Diaranson dia 5 di Juni Instituto Pedagógico Arubano (IPA) a tene su Charla Comunitario titula “San Nicolas en de Arubaanse afscheidingsbeweging, 1924-1955”. E orado di e encuentro aki tabata Dr. Luc Alofs, antropologo cultural, historiado y autor di diferente buki tocante historia y cultura di Aruba. Dr. Alofs a presenta e di

dos parti di su buki “Onderhorigheid en Afscheiding, koloniaal bestuur en lokale politiek op Aruba 1816-1955” cu ta trata cierto aspecto di e asina yama “Movimiento Separatista”. Durante e charla el a enfoca riba e importancia di e poblacion di San Nicolas na esaki. Entre 1945-1995 e sosten di e poblacion di San Nicolas na e lidernan politico

na e Movimiento separatista a cambia. Durante e charla Dr. Alofs a enfoca riba e desaroyonan cu por aclara e cambio di fidelidad, por ehempel welga di aña 1951 y e discusion tocante e limitacion di e derecho di vota di e migrant-

enan. Tambe el a elabora riba e laso entre e electorado di San Nicolas y e partidonan politico segun origen cu a sali na desbentaha di e separatistanan. E interes bao di e publico presente tabata grandi. Nan a participa activamente door

haci pregunta y tambe door di comparti nan conocimiento y e experiencia riba e topico. IPA ta expresa un caluroso danki na tur persona cu tabata presente na e anochi exitoso aki y specialmente na Dr. Alofs pa e tremendo presentacion. □